

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris
Theologia Tripartita Universa**

Complectens nunc Bibliothecam perfectam Viri Ecclesiastici, ordine
sequenti

Controversiae Heterodoxae Ac Scholasticae - Cum speciali Notitia rerum
Modernarum, & Chronologia totius Monarchiae Sacrae, & Saecularis,
Pontificum, Conciliorum &c. Haeresum omnium, ac Propositionum
damnatarum Mundi Sex Aetatum ...

Archdekin, Richard

Dilingae, 1687

§. 2. Eadem infallibilitas ratione manifesta comprobatur.

urn:nbn:de:hbz:466:1-38447

Cap. VIII. Judex infallibilis Controversiarum Fidei.

§. I.

Probatur illa infallibilitas ex Scripturis.

Illa debet esse infallibilis fidei Regula, cui Christus suam assistentiam promisit, ne poshit in rebus fidei definiendis errare. Sed sua Ecclesiae in Petro ejusque Successoribus talem assistentiam promisit. Ergo Ecclesia tam in Petro quam in ejus Successoribus debet esse Regula fidei infallibilis.

X. Probatur minor ex verbis Christi Matth. 16. *Tu es Petrus & super hanc Petram adificabo Ecclesiam meam.* Promisit igitur Christus se adificaturum Ecclesiam supra fundamentum omnino firmissimum, quod labi & deficere non potest: deficeretur autem si definiendo res fidei aliquando erraret, tota enim Ecclesiae integritas in integra fidei veritate consistit: hanc veritate semel deficiente, ipsam Ecclesiam deficere necesse est. Promissionem hanc pergit urgentissimi verbis iterum confirmare: *Ex porta inferi non prevalebunt adversarii eam.* Praverer autem potestas inferorum adversarius Ecclesiam, si illo unquam tempore in decernendis fidei controversiis in heresim incidet, quod nunquam eventuum Christus aperte pollicetur.

XI. Ex quibus manifeste sequitur, vel Christum in promittendo fallacem fuisse, quod impossibile est, vel Ecclesiam ab eo visibiliter fundatam nunquam in fide defecaturum. Promisit enim fundamentum Ecclesiae futurum stabile, & tamen fuisse labile, promisit portas inferi contra eam non prevalituras, & tamen de ea in errorem & heresim prolapsa infernum triumpharet.

Hanc Ecclesie visibilis infallibilitatem ex his Christi promisitis clare intellexit, & declaravit Apostolus 1. ad Tim. 3. *Ut scias quomodo te oporteat conversari in domo Dei, que est Ecclesia Dei vivi, columna & firmamentum veritatis.* Si Ecclesia in qua oportet conversari est columna firma, in modo ipsum firmamentum veritatis, quomodo potest in docendo à veritate fidei deflectere? Si enim errori semel succumberet, hoc ipso lapsum & prostratum jacet; quam tamen ipsa Veritas, Petram fidei, ab inferis invicibilem, ipsam columnam, ipsum firmamentum veritatis appellat.

Ex his pari evidentiâ conficitur, Ecclesiam Christi semper fuisse *visibilem.* Nam eadem Ecclesia contra quam porta inferi nunquam prevalebunt, disertè dicitur Petra, columna, firmamentum, qua rem maximè visibilem ac sensibilem designant. Eadem à Christo comparatur Sagenæ pisces tam bonos, quam malos congreganti: ac Lucernæ super candelabrum, & Civitatem supra montem posita. Mat. 5. quibus nihil potest esse magis visibile. Ita intellexit, ita sensit, ita loquitur primævæ doctrina testis August. de unit. Eccles. cap. 16.

XII. Non est, inquit, Ecclesia opera, quia non est „sub modo, sed super candelabrum ut luceat omnibus „qui in domo sunt; sed Donatistis velut opera est qui „audiunt tam lucida testimonia, quæ illam toto orbe „demonstrant; & malunt clausis oculis offendere in „montem, quam in eum ascendere.

§. II.

Eadem infallibilitas Ratione manifesta comprobatur.

XIII. **H**ec ratio imprimis, independenter à Scriptura, his modo formatur. Ex miraculis & signis, quæ in Apostolis apparuerunt, certò constabat doctrinam quam proponebant fuisse certam & infallibilem, & ab omnibus merito recipiendam, ut ipsi Scriptariorum admittunt.

Sed in nullo Apostolorum apparuerunt signa plura aut illustriora quam ea, quæ supra cap. 3. demonstravimus de continuis miraculis, antiquitate, amplitudine, unitate, perpetua successione Ecclesia Catholica Romana. Ergo ex his signis ac testimonio certò constat doctrinam, quam Ecclesia illa credendam proponit, certam esse & infallibilem. Ac proinde in materia fidei ejus doctrinam ac sententiam decisivam non posse sine scelere repudiari.

Idem sic ulterius demonstro, Deus non tantum verbis, sed etiam aliis signis ac miraculis hominibus loquitur, ac siam mentem manifestat; ut patet ex illis signis ac prodigijs, quibus Apostolos in novo, Moysem in veteri Testamento vera fidei praecones esse declaravit. Jam vero Deus vult, aut permittit sciens & prudens Ecclesiam Romanam suo nomine hominibus proponi, ut veram & in rebus fidei infallibilem, cum iis notis, miraculis, ac signis perpetuis, ex quibus homines debent prudenter judicare, illam à Deo, tanquam veram & infallibilem designari. Nam illa signa pro Divino testimonio communijudicio viri prudentes & probi toto orbe omni ævo admisere, & ex illis se obligari ad recipiendam Christi Ecclesiam tanquam infallibilem agnovere.

XIV. Debet autem illud judicari prudens motu ex quo homines pii ac prudentes pauplum judicant se debere assensum præstare. Atqui non potest Deus Ecclesiam illam proponere sub illis signis, quibus homines debeat ad credendum prudenter induci, nisi per hæc velit mentem suam pro ea verè manifestare. Quo enim modo potest de re aliqua mentem suam hominibus declarare, nisi exhibendo signa ex quibus homines prudenter intelligent, rem illam à Deo sibi proponi, & revealari? Nam talia signa & miracula, quibus solitus est Deus res veras declarare, apponere rei falsæ, aliud non esset quam homines ultiro in errorem inducere, quod in Deum cadere non potest.

XV. Declaratur vis hujus argumenti in simili. Si Rex aliquis sciens & prudens permitteret mandatum aliquod aut diploma suo nomine, & sigillo consueto muniri, & coram suis subditis, se praefente & inspectante, publicè promulgari: fine dubio deberent omnes prudenter judicare hoc esse mandatum Regis, eumque velle id subditis significare. Quod multò magis in Deo locum habet, qui semper possit impeditre miracula, aliasque notas, ex quibus tanquam proprio Dei sigillo judicant homines Ecclesiam Romanam, tanquam infallibilem, Dei nomine, & divinâ auctoritate proponi. Quod si Ecclesia sic proposita esset falsa & fallibilis, ulterius sequeretur Deum sibi esse contrarium. Veller enim per talia signa homines obligari ad eam recipiendam, ut iam ostensum est, & nolle eos obligari, si Ecclesia illa sit falsa.

XVI. Denique, si Ecclesia illa visibilis non esset infallibilis, nihil omnino in fide aut nostra, aut Lutherana esset infallibile. Unde enim nobis constaret, ipsas Scripturas ex quibus fidei articulos habemus, verè esse divinas, & ab errore immunes: aut Evangelium Matthæi esse Verbum Dei, & non Evangelium Nicodemii, quod olim conscripsit. Hoc certè non aliunde quam ex Ecclesia testimonio accipimus, ut ipsi Lutherani fati debent, qui ipsas Scripturas non aliunde quam ab Ecclesia Romana acceperunt. Ergo si Ecclesia auctoritas esset obnoxia errori, incerta planè & dubia esset omnis nostra fides, utpote fallibili mixta testimonio.

§. III.